

Na osnovu člana 132. tačka 1., a u vezi sa članom 124. tačka f) Zakona o zaštiti od požara Zeničko-dobojskog kantona ("Službene novine ZE-DO kantona", broj: 5/11) i Pravilnika o uslovima, osnovama i kriterijima za razvrstavanje građevina u kategorije ugroženosti od požara ("Sl. novine Federacije BiH" br. 79/11), te člana 23. Statuta općine Žepče ("Službeni glasnik općine Žepče", broj: 4/09) Općinsko vijeće Žepče na svojoj 13. sjednici održanoj 30.01.2014.godine, d o n o s i :

O D L U K U
o naknadama za vatrogastvo

Član 1.

Ovom Odlukom utvrđuju se: obveznici, visina naknade za vatrogastvo, način prikupljanja, namjena sredstava i rokovi plaćanja.

Član 2.

Obveznici naknade iz prethodne tačke su vlasnici ili korisnici poslovnih prostora, građevina koje su u upotrebi, a svrstavaju se u sljedeće kategorije:

I kategorija:

- Industrijske zgrade/građevine i skladišta u kojima se proizvode, prerađuju i skladište zapaljive ili eksplozivne i opasne materije i građevine čija je bruto površina svih prostora veća od 3000 m²;
- Benzinske crpke sa više od dva mjesta za pretakanje goriva ili rezervoarom većim od 1000 m³, skladišta nafte >50 t i garaže sa preko 50 parking mjesta;
- Poslovne građevine, u kojima boravi više od 400 osoba, građevine čija je visina zadnje etaže veća od 22 m, građevine čija je bruto površina svih etaža veća od 5000 m² ;
- Međugradske telekomunikacijske linije, bazne stanice i relejni tornjevi, elektro dalekovodi i trafostanice, energetske objekti instalirane snage >1 MW i građevine za proizvodnju toplotne energije > 1MW;
- Vojne građevine namijenjene za smještaj vojnih postrojenja i materijalno – tehničkih sredstava.

II kategorija:

- Industrijske zgrade/građevine i skladišta, u kojima se odvija tehnološki proces opasan po okolinu, ali bez svojstava zapaljivosti i eksplozivnosti, građevine u kojima se odvija tehnološki proces bez opasnosti za čovjeka i okoliš, a kod kojih korisna površina svih prostora veća od 500 m² i silosi bez opasnosti po čovjeka i okoliš preko 1000 m²;
- Benzinske crpke sa do dva mjesta za pretakanje goriva ili rezervoarom manjim od 1000 m³, skladišta nafte <50 t i garaže od 5 do 50 parking mjesta;
- Poslovne građevine koje imaju više od dvije nadzemne etaže, bez korištenja podruma kao radnog prostora, građevine u kojima boravi više od 100 ljudi, građevine kod kojih je korisna površina svih prostora veća od 600 m²;
- Lokalni električni i telekomunikacijski vodovi, kroz nenaseljena mjesta i terene sa niskom požarnom ugroženosti, energetske objekti instalirane snage < 1 MW i građevine za proizvodnju toplotne energije < 1MW;
- Odlagališta otpada.

III kategorija :

- Industrijske zgrade/građevine i skladišta, prizemne ili dvoetažne, koje nisu namijenjene za proizvodnju, prerađuju ili skladištenje opasnih materija, bez korištenja podruma kao radnog prostora u kojima boravi max. do 100 osoba, građevine kod kojih korisna površina svih prostora manja od 500 m² i silosi do 1000 m²;
- Poslovne građevine koje imaju do dvije nadzemne etaže, bez korištenja podruma kao radnog prostora, u kojima boravi manje od 100 ljudi i kod kojih je korisna površina svih prostora veća od 100, a manja 600 m²;
- Površinski kopovi ruda bez zapaljivih i eksplozivnih svojstava.

IV kategorija:

- Poslovne građevine, bruto korisne površine veće od 30 m², a manje od 100 m², u kojima boravi do 50 osoba.

V kategorija :

- Građevine za javnu upotrebu koje se koriste za zdravstvene, obrazovne, kulturne i sportske djelatnosti.

VI kategorija:

- Male poslovne građevine i kiosci, bruto korisne površine do 30 m².

VII Kategorija:

- Gospodarska društva koja gazduju šumama, po hektaru obraslom šumom.

Član 3.

Pravne osobe koje imaju formiranu vlastitu profesionalnu vatrogasnu postrojbu nisu obvezni plaćati ovu naknadu.

Član 4.

Naknada obveznika iz tačke II. ove Odluke, određuje se godišnje po tarifi, kao i prema požarnoj ugroženosti, a ona iznosi:

- | | |
|---|------------|
| - za I kategoriju visina naknade iznosi | 500,00 KM |
| - za II kategoriju visina naknade iznosi | 450,00 KM |
| - za III kategoriju visina naknade iznosi | 350,00 KM |
| - za IV kategoriju visina naknade iznosi | 90,00 KM |
| - za V kategoriju visina naknade iznosi | 60,00 KM |
| - za VI kategoriju visina naknade iznosi | 25,00 KM |
| - za VII kategoriju visina naknade iznosi | 0,15 KM/ha |

Član 5.

Ukoliko je obveznik naknade iz tačke II. vlasnik ili korisnik više poslovnih objekata iste namjene, naknada će mu se utvrditi za najviše dva objekta iz pripadajuće kategorije.

Ukoliko je obveznik naknade iz tačke II. vlasnik ili korisnik više poslovnih objekata različite namjene, naknada će mu se utvrditi za najviše dva objekta iz pripadajuće najveće kategorije svih kategoriziranih objekata.

Član 6.

Sredstva koja će se ostvariti iz naknada po osnovu ove Odluke, koristit će se za:

- 1) nabavku vatrogasne opreme, tehničkih i drugih sredstava za vatrogasne postrojbe,
- 2) stručno obučavanje i osposobljavanje vatrogasaca i održavanje opreme i vatrogasnih sredstava,
- 3) investicionu izgradnju i opremanje objekata za potrebe vatrogasnih postrojbi,
- 4) za finansiranje naknada uposlenika vatrogasne postrojbe koje nemaju karakter plaće.

Član 7.

Utrošak sredstava naknade za vatrogastvo vrši se na osnovu godišnjeg Plana prihoda i rashoda naknade za vatrogastvo.

Plan utroška naknade za vatrogastvo donosi se do 31. decembra tekuće za narednu godinu.

Član 8.

Naredbodavac po sredstvima naknade za vatrogastvo je Općinski načelnik.

Računovodstvene i knjigovodstvene poslove naknade za vatrogastvo vodi Služba za gospodarstvo i finansije Općine Žepče.

Član 9.

Administrativno-stručne poslove koji se odnose na praćenje prikupljanja sredstava naknade za vatrogastvo i izradu Plana utroška naknade za vatrogastvo vrši Služba civilne zaštite i vatrogasna postrojba.

Član 10.

Naknadu iz člana 4. ove Odluke, obveznici su dužni platiti na žiro račun Budžeta općine, u korist naknade za vatrogastvo, po ispostavljenom rješenju o određivanju visine naknade.

U slučaju ne plaćanja utvrđene naknade od strane obveznika, Služba za civilnu zaštitu i vatrogasna postrojba će svoja potraživanja ostvariti u postupku pred nadležnim sudom.

Član 11.

Služba za civilnu zaštitu i vatrogasna postrojba će, po stupanju na snagu ove Odluke, do 30. aprila tekuće godine (za koju se izdaje rješenje) izdati Rješenja za obveznike naknade za vatrogastvo.

Član 12.

Ova Odluka stupa na snagu danom donošenja i objavit će se u Službenom glasniku Općine Žepče.

Stupanjem na snagu ove Odluke prestaje da važi Odluka o naknadama za vatrogastvo objavljenja u "Službenom glasniku Općine Žepče", broj: 8/13.

Broj:01-44-8/14

PREDSJEDAVAJUĆI

Datum,31.01.2014.

VIJEĆA

OPĆINSKOG

Muhamed Jusufović

